

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

328/2019 Foru Agindua, azaroaren 21koa, hasierako onespena ematen diona interes publikoko deklarazioaren espedienteari, zeina baita Guardiako 220KV azpiestazioan, Guardiako udalerriko lurzoru urbanizaezinean, 19 poligonoko 351 lurzatian, Lacerado aurkintzan, Red Eléctrica de España SAUk sustatutako errezel etxola berria eraikitzeke proiektuari buruzkoa

Red Eléctrica de España SAU (REE) enpresak Guardiako Udalari obra lizentzia eskatu dio errezel etxola berria eraikitzeke, Guardiako 220KV azpiestazioan, 19 poligonoko 351 lurzatian, Lacerado aurkintzan, lurzoru urbanizaezinean. Nola oraingo etxolan lekurik ez dagoen, 2,60 m-ko barneko zabalera eta 7,40 x 3,00 m-ko kanpoko dimentsioak dituen etxola berri bat eraiki nahi da. Han, Logroñoeko linea posizioke errezel bastidorea, ServIP armairua eta zerbitzu osagarrien koadroa egongo dira. Aurreikusi denez, barneko espazioan, REEren gainerako posizioen errezel bastidoreak jarri ahal izango dira, berritzeak egin ahala, bai eta PDBa eta transformadorearen etorkizuneko posizioa ere. Etxola aurrefabrikatua izango da, hormigoï armatuzko panelekin eta estalki lauarekin. Zolan hainbat kanal eraikiko dira kableak pasatzeko, eta zimenduak gainazalekoak izango dira, hormigoï armatuzko zapata luze baten bidez, garbiketa hormigoizko ohearen gainean bermatuta. Etxola azpiestazioaren esparruaren barruan eraikiko da; beraz, aurreikustekoa da ez dela egin beharko lur mugimendurik.

Guardiako Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoru eta Hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Espedientean dago proiektu teknikoa, baita udal arkitektoak eginiko txostena ere, zeinetan adierazten baita instalazioak kokaleku izango duen lurzattia lurzoru urbanizaezin sailkatutako eta nekazaritza intereseko babes zona kalifikatutako lursailean daudela, udalerrian indarrean dauden arau subsidiarioen arabera. Arau horren 113. artikuluan aurreikusitakoarekin bat etorritik, erabilera publikoko eta gizarte intereseko erabilera, instalazio eta eraikinak baimentzen dira.

OINARRI JURIDIKOAK

Lehenengoa. Ingurumen eta Hirigintza Sailak eskumena du aztertzen ari den espedientea ebazteko, Diputatu Nagusiaren uztailaren 5eko 324/2019 Foru Dekretuaren arabera eta Sailaren Egitura Organiko eta Funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

2/2006 Legeak 28.5.a) artikuluan ezartzen duen araubideari jarraituz, lurzoru urbanizaezinean "ezin da beste jardunik gauzatu aplikatzeko den legedia sektorialak edo lurralde planeamenduak interes publikokotzat jotako zuzkidurak, ekipamenduak eta jarduerak baizik, baldin eta, gainera, dagokion foru diputatuaren ebazpenaren bidez, interes publikokotzat jotzen badira, alde aurretik hogeï egunez jendaurrean edukitzeko izapidea beteta".

Bigarrena. Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. Hasierako onespena ematea interes publikoko deklarazioaren espedienteari, zeina baita Guardiako 220KV azpiestazioan, Guardiako udalerriko lurzoru urbanizaezinean, 19 poligonoko 351 lurzatian, Lacerado aurkintzan, Red Eléctrica de España SAUk sustatutako errezel etxola berria eraikitzeko proiektuari buruzkoa.

Bigarrena. Espedientea jendaurrean jartzea, hogeit egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamendu eta Hirigintza Zerbitzuan azter dezakete espedientea.

Gasteiz, 2019ko azaroaren 21a

Ingurumen eta Hirigintza Saileko foru diputatua
JOSEAN GALERA CARRILLO